

ЎЗНОМА
1930 ЙИЛ
12 МАЙДАН
ЧИҚА
БОШЛАГАН



Тасвир

ЎЗБЕКИСТОН ССЖ ИИБ ҲАЙЪАТИ НАШРИ

● № 56 (2320)

● 1991 ЙИЛ 16 МАЙ

● ПАЙШАНБА

● БАҲОСИ 10 ТИЙИН

УЛАРНИНГ КАСБИ ЗАРАРСИЗЛАНТИРИШ

Бировни биров қўлидан етаклаб, бўлажак касбини танлашга сира мажбур этмайди. Туртки бўлиши мумкин. Кўпчилик кўнгли чопган ишнинг этагини ўз ихтиёри билан тутати. Шунинг учун бўлса керак, жиноятчининг ўткир тиги-ю, ўқотар қуролига кўксини қалқон қилиш талаб этиладиган милиционерлик касбини ҳамма ҳам танлайвермайди. Энгна форма кийишга журъати етганларга эса уйқусиз тунлар ва кутилмаган

олишувлар ҳамроҳ. Эл тинчини ўйлаб, улар ҳар қандай қийинчиликларни — касб машаққатлари-ю, турмуш ўқубатларини енгиб ўтишади.

Чилонзор тумани ИИБ ЖҚБда ўз касбига меҳр қўйган йигитлар ишлашади. Уларнинг бурчи — жиноятчиларни зарарсизлантириш. Ўнлаб қуролли каллакесар гуруҳлари тутатилгани бу йигитлар ҳисобига ёзилган. Ҳар бир чақириқ ҳаётни хавф остида қолдирадиган

таҳликали таъқиблар, тўқнашувлар билан бой.

СУРАТЛАРДА: Чилонзор тумани ИИБ ЖҚБ опер-

вакиллари милиция катта лейтенантлари Евгений Муштаев (чапда) ва Арам Арутуниялар навбатдаги опе-

рацияга тўла қуролланган ҳолда отланишди; таъқиб пайтида уларга участка вакили милиция лейтенанти Улмас Ғаниев (ўртада) қўшилди; «назарга тушган» кимса қўлга олинди. Ҳабибулла ШОДИЕВ олган суратлар.



Боёвут туманида ёнгинлар сони йил сайин ошиб бормоқда. Текширишда уларнинг 80 фоизи хавфсизлик қондаларининг кўпол равишда бузилиши натижасидан келиб чиққанлиги маълум бўлди. Пахта тозалаш заводи ва пахта қабул қилиш пунктларида рўй берган олти ёнгинга мавжуд техника воситаларидан хавфсизлик қондаларига хилоф равишда фойдаланиш сабаб бўлган.

Бу ўринда ёнгинга қарши курашиш қисми ходимларини ишламаяпти, дейиш нотўғри. Аммо очик-ойдин тан олишимиз керакки, кўпчилик ҳолларда давлат ёнгинга қарши кураш назорати ходимлари кўрсаткичлар учун тиришишмоқда. Яъни юқорига бериладиган ҳисобот учунгина керакли қоғозлар тўлдирилади. Ёнгиннинг олдини олиш ҳақидаги биз берган тақлифлар бажариладими-йўқми, бу кўпчиликнинг назаридан четда

ЎТ ЎЧИРИШДА ҚАЧОН ЎЗГАРИШЛАР БЎЛАДИ?

қолиб кетади. Баъзан эса амалга ошириш мушкул бўлган тадбирларни ҳам ўйламай-нетмай йил сайин ўзгартиришсиз хўжалик, корхона, ташкилот раҳбарларига тиқиштираверамиз.

Туманимизда 130 дан ошиқ савдо дўкони, 43 та мактаб, 2 та пахта тозалаш заводи, 2 та пахта қабул қилиш пункти ва бошқа муассасалар бор. Уларнинг кўпчилиги мослаштирилган биноларда жойлашган. Менимча, уларни текширган пайтимизда маҳаллий шароитдан келиб чиққан ҳолда тадбирлар белгилашимиз лозим.

Туманимиздаги 9 та ўт ўчириш машинасидан 2 таси туман ўт ўчириш бўлимида, 7 таси эса хўжалик ва корхоналарда. Лекин фақат 4 тасига ҳайдовчи бириктирилган. Бу ҳол бизни кўнглили ўт ўчириш дружи-

наларига таянишимизни тақозо этади. Хўш, кўнглили ўт ўчириш дружиналари яна нималарда ёрдам бериши мумкин?

Тўғриси айтсак, агарда уларни таъминлай олсак, жуда кўп ёрдами тегарди. Ҳозирги даврда уларнинг сонига эмас, сифатига эътибор бериб, хизматига яраша моддий ва маънавий рағбатлантиришни амалга оширишимиз керак. Уларсиз кўп тармоқли, 63 минг аҳолиси бор туманимизда 21 кишилик ўт ўчириш бўлими ходимлари билан ёнгин хавфсизлигини таъминлаш қийин.

Асосий масалалардан яна бири, бўлимини зарур техникалар билан жиҳозлашдир. Бундан ташқари қоғозбозликни мумкин қадар камайтириш лозим. Чунки ходимларнинг анча вақти турли

қоғозларни тўлдириш билан ўтади. Бу ҳам етмагандек бир ойда ўрта ҳисобда «юқоридан» 15-20 та кўрсатма келади. Уларнинг мазмуни бир хил: «Фалон корхонада ёнгин содир бўлган, ўшанга эътибор беринг, режа тузинг, қилинган ишлар бўйича фалон вақтга ҳисобот беринг...»

Юқоридан келган кўрсатма бажарилиши шарт. Шунинг учун ой бошида ҳар бир ходим ўзи режалаштирган ишини бир четга суриб қўйиб, ҳалигини бажаришга киришади. Оқибатда эса унда мустақиллик йўқола бориб, юқоридан келадиган кўрсатма асосида ишлашга кўникма ҳосил бўлади.

Шуларни ҳисобга олиб, кўрсатма ўрнига ўша жойдан ходим келиб, жойларда ишнинг кетишини ўз кўзи би-

лан кўриши, зарурати бўлса, керакли ёрдамни, маслаҳатини бериши яхшироқ бўларди, деб ўйлайман.

Давлат ёнгинга қарши кураш назорати ходимлари ички ишлар бўлими ходимлари билан яқиндан ҳамкорлик қилиши шарт. Шу жиҳатдан бир қанча тадбирлар ишлаб чиқилган. Аммо улар қоғозларда тикилганча қолиб кетмоқда. Унинг туб сабабларидан бири юқоридан келган кўрсатмаларга асосланиб тузилган тадбирларнинг ҳаётий эмаслигидадир.

Қиссадан ҳисса шуки, биз қоғозбозликдан амалий ишга ўтсакгина, ўзгариш ва муваффақиятга эришамиз.

А. ЭЛИБОЕВ,
Боёвут тумани ИИБ давлат ёнгинга қарши кураш назорати инспекциясининг катта инспектори.

